

俗稱俗稱者乃字之謂也已元服而名謂之爲諱是逆乎古也且其名之也非敢有取焉或徒以文字音韻對其性之五行乃考相生相克以擇其文字不敢問之於五名是古之所無焉抑不知勑於何時漢京房有吹律定人姓之說其亦似焉是固妄也非古也又或有其家系相襲文字以犯其父祖二名之一字猶楚子世用熊字長狄種用如字然也而字之與名亦不問相屬東方之俗亦古昔之人則不然也其生而所名皆時有所取焉乃以爲諱而已予^田家之生也先人名以虎然是所謂俗稱也比元服也自名曰信後乃顧之我則信州人也不可以名信乃代以真而後復顧之真字六經之所無焉則不可以名焉乃頗惑乎所以名而乃又顧之予之生也先人名以虎然則從古之道而宜以先人所名爲名也於斯乎以虎爲名乃字曰嘯叔後或謂予曰吾子之字嘯叔不是嘯者意氣不伸也無乃不可乎予以爲然乃代以叔貌蓋予之生也先人名以虎者不知何所取焉也蓋亦將有所取焉古人以虎爲名者唐虞有伯虎八元之一也周有召虎宣王之相也鄭有罕虎秦有鍼虎楚有穀於菟於菟亦虎也是皆賢良也非我之所及也魯有陽虎是則姦慝固非可數也戰國以降亦稱虎者衆矣我誰比擬乎亦非敢有所比擬也但書曰如虎如貔吾竊取乎斯乃欲勇猛于學焉耳

〔山陽遺稿〕中川祿郎名字說

江薩摩村有中川生生之在母腹也其大父指於腹曰是必男也吾名之曰祿既生果男矣呼小字祿郎及壯數更其名字無適定也謁余定之余曰不有定之於未生者乎而誰敢聞焉

〔言成卿記〕文久三年正月十三日庚申新誕男孫七夜云々從家公賜呼名云々二男丸云々如形內祝云々

〔御加冠拔書解〕武家書札之書御內書文に云

任先例諱政一字遣之候彌可期繁榮候謹言

八月四日

義政判

賜名